

• terre che li hanno tolte. E per converso la comunità de Fiorenza
 • restituisca a li Luchesi e sia messa la comunità de Luca in el
 • capitolo de la paxe e che la possi galder de quella abbiando re-
 • stituido fra el termine de zorni XV. Rettificando le ditte cose fra
 • zorni XXV. Et a questa condition sia el Signor de Piombin e
 • messer Thomado de Campo fregoxo habiando restituido a Fio-
 • rentini quelli luoghi, che li avesse de li, non romagnando al ditto
 • Signor de Piombin adherente al Duca de Millan ma sel se vo-
 • lesse accostar cum Fiorentini che lo possa far, e messer Tho-
 • mado da Campo fregoxo romagna in suo libertà e non si possi
 • accostar nè al signor Duca de Millan nè ai Fiorentini.

Quarto Capitolo.

• Quarto chel Duca de Millan per algun tempo e per alguna
 • raxon diretta vel indiretta se possa impazar de Toscana ne de
 • alguna parte de quella aver terre sia dove se voja de Pontremolo
 • e Pontremolese. E cussi de sora come de sotto verso Fiorenza. E
 • che dal dì de la ditta sententia de la ditta paxe fina VIII zorni
 • in Lombardia e X in Toscana siano revocade per le ditte parte
 • zaschedune injurie e chel se intenda esser perdonade tutte pene
 • e danni et interessi. E de esser in bona paxe. E che fra doi mexi
 • per le parte i suo aderenti quali habino termene altri doi mexi a
 • ratificar. E de esser in la ditta paxe e rathificando galda el bene-
 • cio di quella. E alguna de le ditte parte non possa tuor adherenti
 • alguni de suxo i territori del altra parte. E che la ditta paxe sia
 • fatta cridar pe le parte in la suo principal cittade a di X del
 • mese di mazo debia in quella paxe e in tutte cose contigue in
 • quella far far el termine de XXV zorni publici instrumenti una
 • parte al altra e l'altra al altra per loro caution.